

I. N. J. C.  
DISSERTATIO ACADEMICA,  
EXPLICATURA QUÆSTIONEM:  
**AN FELICITAS  
REIPUBLICÆ EX  
MULTITUDINE CIVI-  
UM PRÆCIPUE SIT  
ÆSTIMANDA ?**

QUAM,  
Consentiente Amplissima FACULTATE Philosoph.  
In Regia ad Auram Academia,

PRÆSIDE  
**MAG. JOHNNNE  
BILMARK,**

HISTOR. & PHIL. PRACT. PROFESS. Reg. & Ord.

Pro Summis in Philosophia honoribus obtainendis


publice ventilandam sistit

**ANDREAS HEINRICIUS,**

Wiburgensis.

Die XX. APRILIS Anni MDCCLXV.

L. H. Q. A. M. S.



ABOÆ

Impressit JOH. CHRISTOPH. FRENCKELL.

Kongl. Maj:ts  
Tro-Ljener och Håradshöfdinge  
Öfver Stora Sävslax,  
Ädel och Sögattad,  
**Herr CARL WILH.  
MALLEEN,**  
Min Högtårade Kjäre Fader.

**G**ivnårsling af glädje och sorg har ifrån verldenes första gryning warit Adams Esterkommanders såkra lott. Att förtiga andra prof håruppli, har jag åfven i min lifstid fått årfara denna åndring. Minna första barna är tillbragtes i idei fägnad under en öm och huld Faders kjötsel; men då jag måst tycktes behöfva Hans råd och hjelp, behagade Den Högste GUDen, til min bittra affäknad, hådankalla Honom til sina glädie bouningar. Min lycka syntes nu med Honom badda sig i mörkret; men Den Mildas Försynen, som underligen förer os här i verlden, förfingrade vår dimba, och lått vårt heppa sol uppgå, då Min Huldske Fader ingick et Christeligt Åtta Förbund med min Kjäre Moder. Jag har ifrån den tiden rönt samma godhet och ömhet, som jag årför hos min Salige Fader; så at jag ej saknadt annat, än blotta namnet. Inga råd och inga omkostningar hafven I sparat, at befrämja min välfärd. Sådant Edert unnesfulla sunnelag emot mig årkänner jag med all barnslig wördnad, och til et ringa wedermåle af min tacksamhet har jag nu åran at upoffra Eder, Min Huldske Fader, detta lilla Academiska Arbeta. Ansseen mit företagande med Eder wanliga godhet, så skal jag aldrig underlåta, at för Eder beständiga välgång anropa Den Högsta GUDen, och med djup wördnad framhärla

Min Huldske Faders

ödmjukligaste Son  
ANDERS HEINRICIUS.



§. I.



Habent omnes ferme disciplinæ sublimes  
quosdam dogmatum apices, quos attin-  
gere vel nemini, vel paucis tantum mor-  
talium, & quidem post plurium sæculo-  
rum industrias, conceditur. Quinam hi sint in aliis a-  
liisque scientiis, nostrum non est jam exponere; sufficiat  
indicasse, quod inter Politicos multum agitata fuerit quæ-  
stio: in quo felicitas civitatis præcipue consistat? Arduum  
omnino problema; quippe a cuius resolutione & dextera  
executione generis humani salus, ad quam singuli votis,  
consilii atque factis anheli contendimus, admodum de-  
pendet. Mitto varias variorum in hoc argumento sen-  
tentias, & tantum moneo, quod ab antiquissimis retro  
temporibus plurimi fuerint, qui felicitatem rerum publi-  
carum ad eandem decempedam, qua illarum amplitudi-  
nem exigere voluerunt; imperia quævis tanto feliciora  
rati, quanto plures ipsis subjectæ essent regiones. Quare  
etiam dum VIRGILIUS introducit Jovem, qui solatur  
Venerem, casus Æneæ impotenter ferentem, Romanos,  
ex Herois hujus stirpe orituros, ita prædicat:

Hū ego nec metas rerum, nec tempora pono,  
Imperium sine fine dedi (a).

A

Non

Non equidem dubito, quin hæc opinio valde arri-  
ferit Principibus, ad immortalitatem nominis per-  
res, in dissitis maxime regionibus fortiter gestas, am-  
bitiose contendentibus, non tamen propterea vel ra-  
tioni convenit vel experientiæ. Pendet enim felicitas  
integræ civitatis ex salute incolarum, adeo ut quo ma-  
joribus hi fruantur commodis, eo etiam major illa sit  
censenda. At amplissimum imperium nec comparari abs-  
que cruentis præliis, nec conservari sine expeditis pot-  
est phalangibus; quo in strepitu, justa tranquillitas, quæ  
non ultimam felicitatis civilis partem constituit, frustra  
speratur. Nec tantum est vastorum regnorum robur, quan-  
tum e longinquo mentitur; sed infirmitatum plura oc-  
currunt vestigia. Magna quidem in his sunt vestigalia,  
sed magni quoque sumtus; perinde ac in magna domo  
multi sunt, qui laborant & multi etiam qui collecta con-  
sumunt. Præterea vicinorum ea est consuetudo, ut quan-  
tum accedere potenti Principi virium animadvertant,  
tantum putent detrahi suæ securitati. Quam quia nemo  
volens neglit; hinc invidia, illinc odium gravissimas  
fuscitant procellas, quæ vastissimiis imperiis maximam  
sæpe intulerunt cladem, ceu Historia adfatum comprobat.  
Potentiam Macedonum vehementer quidem auxit ALEX-  
ANDER MAGNUS, amplissimum Persarum imperium  
in suam redigendo potestatem; quod autem vel suam  
vel civium, qui instrumenta victoriarum ejus fuerant,  
ita promoverit felicitatem, nemo facile adfirmabit. Re-  
gnum enim incompositum reliquit, id est: matri, uxori,  
liberisque perniciem, & amicis continuam digladiandi ma-  
teriam. Et Argyraspides non lauta spolia, sed profun-  
das cicatrices & fœdam canitiem in patriam, viris & o-  
pibus exhaustam, retulerunt. Atque ita dilucide constat  
effatum Poëtae: *Quicquid delirant Reges, plectuntur Achivi.* Nec meliorem aliorum regnorum conditionem re-  
perio;

perio; quippe dum modica eorum fuerunt pomœria, ror-  
vosum suum florem ostentarunt, at ubi in immensum  
creverunt, sua potissimum mole contrita fuerunt. Atq;  
ut paucis multa complectar: in magnis imperiis aut me-  
tus aut cupido aut cura, in plerisque aut splendida mi-  
seria aut opulentia sordida. Cum itaque opinio de fe-  
licitate civium, ex amplissimo imperio metienda, tot tam-  
que firmis rationum arietibus sit concussa, non solum  
paucissimos jam invenit defensores, sed & principum  
ardor imperii limites continuo prorogandi admodum de-  
ferbuit. Contra ea, postquam Oeconomiae strenuam ope-  
ram navare cœpit orbis litteratus, perquam invaluit o-  
pinio, quod feicitas reipublicæ ex multitudine civium  
præcipue dependeat, pro qua defendenda, tanquam pro  
aris & focis, pugnarunt SAAVEDRA (b), TEMPLÉ (c),  
SUSSMILCH (d), FAGGOT (e), BERCH (f), BRING (g),  
aliique, quorum tamen effata jam adducere, proposita  
vetat brevitas. Quamvis autem non negemus, quin per  
hanc sententiam generi humano egregie, uti par est, con-  
sulatur, & cum republica quavis, viris exhausta, pessi-  
me agatur; non tamen animum inducere possumus, ut  
credamus, solam hominum copiam omne felicitatis pun-  
ctum ferre. Paucis igitur in præsenti dissertatione osten-  
dere conabimur, felicitatem civitatis non tam ex quan-  
titate, quam potius ex qualitate incolarum esse æstiman-  
dam. Quod si successerit, meditationibus forte non in-  
gratis ansam præbebimus; sin minus, innoxios tamen  
hos conatus, & constitutionibus Academicis (h) conve-  
nientes, Benevolus Lector meliorem in partem pro ea, qua  
est, humanitate interpretabitur.

(a) ÆNEID. Libr. I. v. 282, 283. (b) In loca Principis Chri-  
stiano-Poitisci 66. Symb. p. m. 538. (c) Vid. RECHERCHE du commerce en  
Irlande. (d) In Götti. Oranung mensch. Geschr. § Epistola Dedicatoria ad  
Regem Borussia. (e) Vid. Svenska Landbrukers binder och bjelp. p. 49.  
(f)

(a) Vid. Ejusd. Politika Arithmetica pag. 60. (g) Conf. Dissert. De multitidine incolarum, fundamento felicitatis civili. (b) Cap. XXII. S. 29.

## §. II.

**A**ntequam ad ipsum argumentum enucleandum nos accingimus, erunt nonnulla præmittenda, cum, ut quæ dicenda sunt, melius intelligantur, tum etiam, ut controversiarum materia quodammodo tollatur. Felicitatem, in genere consideratam, per fruitionem boni definit CICERO (a). In quo autem bonum civile præcipue consistat, inter se non convenient Auctores, cum alii in opulentia civitatum, alii in fortitudine & numero copiarum, vel similibus rebus idem constituant. Nos vero felicem nuncupamus rempublicam, in qua cives commoditate, tranquillitate & libertate gaudent, his prærogativis rite utuntur, & easdem contra exterorum vim masculine defendere possunt. Atque hæc tria momenta, tanquam cardines, quibus publica & huic innixa privata salus nitatur, cordati proponunt Politici. Unde etiam gravissimus Auctor Svecanus : *Ey at thet är almegans lis of hälxa of gagn of glädi, hawaßfid och frælse of goda sámjo inbyrdis, id est: Hec est civium vita & salus & commoditas & oblectamentum, ut habeant securitatem & libertatem, mutuamque concordiam (b).* Recte omnino hæc conjungit; opulentia enim &, quæ per ipsam paratur, commoditas, sine tranquillitate oneri magis, quam utilitati cibibus est; siquidem & sibi & bonis, sive a natura concessis sive industria quæsitis, quotidie timebunt. Quid rursus prodet securitas hominibus, rerum necessiarum copia destitutis, aut quid juvant divitiae & tranquillitas incolas, in servilem conditionem redactos? Præterea vero necesse est, ut tanta fortunæ munera reverenter habeamus, ne beneficium suum indolem vel nimio vel perverso usu amittant. *Sicut enim nimia alimentorum copia vi-*

res

res corporis enervat potius, quam confirmat; ita ex felicitatis intemperantia gravissimæ sæpius extiterunt calamitates. Quare Florus aperte testatur, quod nulla alia res furores civiles Romæ pepererit, quam nimia felicitas (c). Dicis unicam adhuc observationem addo: licet ob rationes gravissimas, a nobis mox adferendas, felicitatem civitatis ex numero incolarum præcipue non æstimemus, hæc tamen eo non sunt trahenda, quasi probare velimus, multitudinem civium reipublicæ inutilem esse. Hoc potius tenendum, quod sicut ceteris paribus eo felicius judicamus imperium, quo pluribus gaudeat incolis; ita si cetera fuerint imparia, possit tamen aliqualis hominum defectus, modo nimius non fuerit, egregiis institutis & aliis modis ita resarciri, ut de sincera felicitate sibi in sinu gratulari queant.

(a) Vid. Libr. V. Quæst. Tuscul. (b) Vid. Kununga of Höfdinga Styrlise p. m. 20. (c) Confr. Ejusd. Hisp. Lib. III. Cap. XII.

## §. III.

**V**idimus modo, quibus potissimum momentis felicitas civilis absolvatur; in eo igitur cardo rei nunc vertitur, ut despiciamus, quibus modis præiosum adeo thesaurum obtinere, & obtentum conservare possint cives. Sicut igitur cana recte censuit antiquitas, quod invia virtuti nulla sit via; ita hæc comite & duce ad amorem felicitatis ardem per varios casum anfractus entitatis. Et cum nemo fortunam sibi ipsi singere possit, sed quisque, qui modo in meridiana non cœcutit luce, fida edoceatur experientia, felicem rerum nostrarum successum a benigno Summi Numinis moderamine tantum dependere, homines etiam, quibus falsus civilis cura cordique est, nihil tantopere defuderant, quam ut ad voluntatem DEI

A 3

omnia

omnia & dicta & facta sua componant, atque ita largam Ejus benedictionem cælitus devocent. Valeat Trojanorum palladium, habeant sibi Romani sua ancilia, sola est religio, quæ sedulo, uti decet, culta civitates securas reddit & firmissimum illis substernit fulerum. Quid enim jucundius, quam una vivere cum hominibus, qui vero Numinis sensu imbuta gerunt pectora, quique adeo sollicite cavent, ne factis suis DEUM offendant & conscientiam suam lœdant. Nulli tum fabricantur dolli, nullæ struuntur insidia; nam ab injuriis abstinent, qui DEUM injuriarum ultorem metuunt. Enimvero cum singuli non intelligent, quid ad salutem publicam appriime conducat, sed falsum pro vero & malum pro bono sæpe amplectantur; circa ipsa rerumpublicarum initia introductæ fuerunt leges civiles, quæ præcipue determinant, tam quid sit faciendum & omittendum, quam poenæ, quæ legum transgressores manent. Hæ igitur si probe obseruentur, nemo civium erit, qui ad publicam salutem promovendam symbolam quandam non confert, & sub tutissimo legum umbone sua quotidie non auget commoda. Præterea vero in republica bene constituta necessarium est, ut sedulo colatur justitia, quæ in rebus civilibus maximum momentum habet, unde etiam Chorus apud Euripidem in HELENA ita canit: οὐδὲν τοτε ιυνέας ἐδικό γενόσται. Εἰ λα δικαίω δικαίω σωματικός, id est, Nemo unquam injustus fortunatus fuit. In justitia autem spes salutis. Ex virtutibus modo memoratis nascitur mutua civium concordia, qua reipublicæ robur præcipue absolvitur. Ingruant enim, ut varii sunt hominum casus, adversa tempora & hostes ad imperii limites acriter fulminent, cives mox quasi non tam publica quam privata ageretur res, animos, consilia & vires arctissime conjungunt, ut procellas has depellant & alnam reducant scrinitatem. Quod cum sciant vicini, unanimem

ad eo

adeo rempublicam temere non adgredientur; probe gñari, quod non solum universorum inipectam sustinere, sed & singulorum industriam ac fortitudinem continuo experiri cogantur. Hæc in sago præstat concordia, cuius vero in toga non minor est splendor, cum per ipsam egregia instituta promoteantur, & res parvæ tenuesque ad eximium gloriæ & potentia fastigium perducantur. Porro ut necessariis sufficiant sumtibus, justi laboris molestias non detrectant, nec assam columbam, per aërem venturam, exspectant cives. Bene enim SALLUSTIUS: Non votis, nec suppliciis mulieribus auxilia Deorum comparantur, vigilando, agendo, bene consulendo prospere omnia cedunt. Ubi concordia atque ignavia tete trahideris, nequicquam Deos implores, infesti iratique sunt (a). Paucis: ubiunque vera Religio, alma justitia, concordia, amor in patriam, aliæque his cognatae vigent virtutes, ibi nitent oppida, florent rura, scientiae excoluntur, artes fervent, negotia quævis & prudenter suscipiuntur & fortiter geruntur, atque cives secundæ fortunæ munéribus sine ægritudine & sine ullo detrimento sobrie fruuntur. Quare JUVENALIS:

Semita certe

Tranquille per virtutem patet unica vita. (b). Tolle vero metum Numinis, tolle justitiam & concordiam, cives non tam bonos efficies, quam callide subdolos, non tam cultores virtutis, quam vitiorum dissimulatores, qui summa imis miscent.

(a) In bello Catil. Cap. 52. (b) Vid. Satyr. 10.

§. IV.

His jam præmissis, ad problematis propositi resolutionem nos conferimus, argumentorum non numero, sed pondere ostensuri, quod felicitas reipublicæ a numero civium non tota dependeat. Evictum nempe modo

modo dedimus, quod imperium tum felix atq; perpetuum sit, si virtutibus fulciatur; quare si omnes homines essent boni, omnino foret concedendum, felicitatem reipublicæ tanto majorem esse, quanto plures in eadem reperiantur incolæ. Enimvero cum in magna hominum multitudine, sida teste experientia, alii & ii quidem admodum pauci virtutem impense colant, alii parum carent, multi vero, ne quidem quid ipsa sit virtus, intelligant; vel sic generanter constat, quod vera civitatis felicitas ex sola incolarum quantitate non sit metienda. Addo, quod vitorum non minor, quam morborum epidemicorum sit contagio, quæ proinde in densa hominum turba plures adficere potest, atque ita a felicitatis sensu ipsos arcere. Ut vero majorem adhuc sententiae nostræ fñeneremur lucem, comparemus inter se, numerum civium atque tria illa momenta, quibus felicitatem civilem const: re supra adserimus, & primo quidem consideremus priuatiam. Hanc ex incolarum opibus præcipue æstimamus; non tam obseuras Principum cellas, quam distentas civium crumenas tutissimum ærarium rati, idque auctoritate ELISABETHÆ, Angliæ Reginæ, quæ civibus, tributa sibi offerentibus, dixisse fertur: *qu' elle trouvoit ces deniers aussi bien dans la bourse de ses sujets, que dans laienne* (\*). Ponamus nunc, duas esse civitates A & B, magnitudine & bonitate soli pares; habeat autem A duplo plures incolas quam B: quod si præterea A tam quod ad agriculturam, quam ceteras quoque artes fuerit duplo magis exculta, quam B, & justitia distributiva in A & B æqualiter observetur; evidens est, quod hæc tenus opulentia civium in utraque republica sit plane eadem. At si minor fuerit civitatis A cultura, quam dupla ipsius B, quod plerumque contingere solet; minor quoque erit singulorum opulentia in A quam in B, vel si hæc nihilominus utrobique æqualis

qualis sit, cives in A multo duriores perferent labores, quam in B; ac proinde minor etiam erit commoditas in A, quam in B. Quæ hinc existunt mala luculenter sese produnt, si justitia distributiva in magna hominum frequentia exakte non observetur; siquidem ditissimi civium, si vel aliquantum tenaces fuerint, pluribus aliis necessaria victus & amictus instrumenta sensim subtrahunt. Paucis; numerosi cives plurima quidem, si universos simul spectemus, lucrari possunt, sed cum plurima quoque indies consumant, residua, ex quibus commoditas singulorum æstimanda, rationem ci-vium non sequuntur. Pergimus ad securitatem, quæ vel interna est vel externa. Cumque, ut modo observavimus, in magna hominum frequentia major pars vitiis delectetur, si numerus pravorum in eadem tantum ratione, qua multitudo civium crescat, securitas interna, quæ ex virtutum ante memoratarum copula dependet, major certe non erit in numerofissima civitate A, quam in B. Si vero, quod magis probabile est, numerus malorum hominum in A fuerit ad horum numerum in B, in majori, quam modo indicavimus, proportione, securitas interna, quæ est in ratione reciproca malitiae incolarum, minor erit in A, quam in B. Præterea licet ingentes copiæ magnum sint civitatum præsidium, non tamen adfirmandum, quod securitas externa ex militum numero unice sit metienda; præsertim cum experientia doceat, quod haud ita magna manus hostium impetum non solum sustinuerit, verum etiam amplissimas eorum cohortes fortiter prostraverit. Scilicet phalangum raritatem admodum supplent ducis prudentia, nec non justa civium disciplina, frugalitas, concordia, intensissimus in patriam amor, &, qui inde nascitur, contemptus mortis & periculorum, qui animos attollunt, simulque efficiunt, ut imminentि calamitati de-pellendæ sese suffecturos nunquam desperent. Denique cum libertas civilis, quæ ad felicitatem nostram per-

quam conductit, sit facultas, quæ ex indole imperii atque potestate, quam in Principem contulerunt cives, dependet, luculenter patet, quod hæc ipsa a multitudine civium haud sit æstimanda: quin potius, cum in rume-  
rosioribus civitatibus plures sint, qui libertate sua te-  
mere abuti & possint & soleant, in illis quoque ipsa  
variis legibus magis magisq; circumscripta fuit. Ne quis  
de hac re dubitet, percurrat diversas respublicas, ut com-  
periat, quod quamdui civium numerus ultra mediocritatem  
non excrevit, eximia hi gavisi sint libertate; quorum  
vero Nepotes, continuis accessionibus numerosiores fa-  
cti, formam regiminis mutare & cum libertatis quodam  
dispendio felicitatem quærere sunt coacti. Cum ita-  
que opulentia, securitas, atque libertas civium, in ra-  
tione multitudinis illorum non crescat; firmiter nunc  
concludimus, felicitatem civilem ex solo numero incola-  
rum non esse æstimandam. Atq; hoc suo jam tempore  
vidit ISOCRATES, qui in Areopagitica ita loquitur:  
*Felicitas urbium non in magnifica murorum structura, nec  
in numero civium multitudine consistit, sed sapientibus &  
moderatis reipublicæ gubernatoribus & legibus continetur.*

(\*) La Motte dans L'instruction de Monseigneur Le DAUPHIN.

§. V.

**Q**uoniam vero eruditis, qui felicitatem reipublicæ ex  
numero civium præcipue æstimant, argumenta va-  
ria, eademque satis speciosa, adferunt, quibus suam  
corroborare solent sententiam; instituti nostri ratio po-  
stulat, ut ipsa breviter nunc examinemus. Graviter i-  
taque contendunt, per auctum civium numerum agri-  
culturam, ceterasq; artes, quæ commodioris vita præ-  
bent adminicula, valde promoveri: ærarium publicum  
insigniter locupletari: atque imperii dignitati per in-  
gentes copias, quæ in aciem, quoties necessitas exi-  
gat, produci possunt, plurimum auctoramenti accedere.

Ut

Ut vero his rationibus tanto majus robur addant, fun-  
damenti loco adsumere videntur, omnes incolas vel  
bonos esse, vel saltem per idoneas leges & præclara  
instituta ad sedulam virtutum culturam haud operose  
formari posse. Verum ne his quidem prolatis nos caussa  
nostra cecidisse arbitramur; quod, singulis momentis rite  
perpensis, luculenter patebit. Licet enim non probabile  
modo, sed maxime necessarium sit, agrorum pomœria  
per crescentem hominum numerum quotannis exten-  
di, cum tamen alma Copia in muneribus suis distribu-  
endis industriam civium solam spectet, ex agricultura  
ultra necessarios usus tantundem pro rata lucrari pos-  
suat illi, qui numerosam, quam qui numeroissimam  
incolunt civitatem. Quod vero ad artes sic dictas ma-  
nuarias adtinet, ipsæ quoq; in magna urbium & hominum  
frequentia non possunt non florere, cum plurimi sint,  
qui operibus manus admovent; at maxima hic opus  
est circumspectione, ne benignam ipsæ indolem suam  
amittant. Multiplex enim docuit experientia, cum quod  
oppida, dum nimium pretium artibus his fuit statutum,  
multos quidem acceperint incolas, rura autem industrios  
desideraverint colonos, tum quod leges perverso horum  
in turbes commigrandi studio cohibendo ubique loco-  
rum non sufficerint. Unde porro factum est, ut ne-  
cessaria vitam sustentandi adminicula minus obvia fue-  
rint, & proinde horum pretia continuo increverint. De-  
inde sicut artes manuariæ civitati cuilibet valde pro-  
sunt, dum mediocritatis termino continentur; ita hunc  
transgressæ luxum, præ dulce illud malum, plerumque  
introducunt, qui opes eorum, quos artes paulo ante  
ditaverant, sensim depascitur & publicam gignit inopi-  
am; immo velut per seriem quandam malorum sit, ut  
ingenui mores vehementer ita corruptantur. Enimvero  
cum felix, quam proposuimus respublica, cives soler-  
tes

tes & virtutum studiosos alat, pars etiam horum artibus quibusvis liberalibus strenuam navat operam, adeoq; ceteri opus non habent, necessaria commoditatis instrumenta a fuscis sibi comparare Indis. Eto autem, quod non admodum multas pretiosas merces ad exterias transferre queant nationes; simul tamen verum est, quod rebus alienis, quæ splendore magis, quam utilitate se se commendent, haud difficulter carcere queant; pulchrum solitudo putantes, quidquid civium suorum produxit solertia. Præterea non est diffitendum, quin ærarium valde locupletetur, cum in republica, civibus abundantia, singuli prograta symbolam in illud conferunt, nec tantæ opum accessiones in minori hominum frequentia sint sperandæ; juxta tamen modeste opinamur, non tam divitem esse Principem, qui multa possidet, quam cui nihil deest. Adeoque cum in republica non tam numerosa, quam virtutibus probe exulta, cives & opes & his longe cariorem, vitam patriæ suæ libenter devoveant, Princeps heic in modicis vestigalibus atque suorum frugalitate æque firmum invenit rerum gerendarum nervum, ac aliis ex thesauris anxie congregatis. Quis porro ferret calculos ita subducentem: quo ampliores in æratio coacervantur opes, eo plura quoque bona singuli possident cives; cum & ratio & experientia huic contrarietur opinioni. Ulterius sicut valetudinis firmitas ex crassitie atque proceritate corporis non est estimanda; ita nec potentia civitatis ex numero militum, quos sustentat & in aciem producere potest, tota dependet, quemadmodum paragrapho antecedente pluribus ostendimus. Denique cum multi existiment, sincerum virtutis studium nationi cuilibet facile instillari posse, adeoque summam rei in eo potissimum consistere, ut numerus incolarum augeatur; minuenda omnino erit hæc opinio. Profecto qui talia jactitant,

sibi minime exploratam habent mortalium pravitatem atque feroceis eorum inclinationes, quæ gravissimas ipsi moras neantur, quoties per asperam virtutis semitam ad felicitatem eniti cupiunt. Conentur modo, in veterorum præjudiciorum lenocinia in aliquibus tollere, & experientur, quod durissima etiam laxa ad quamlibet figuram facilius effungi, quam illorum actiones ad optimarum legum normam jugiter componi queant. Quanto igitur difficilius erit, integræ cujusdam nationis mores mutare & ipsam ad meliorem reducere frugem; cum singuli multa discere & plurima dediscere debeant?

## §. VI.

Juvat nunc Historiarum excutere monumenta, atque sedulo inquirere, an imperia quævis tanto felicia fuerint, quanto pluribus gavisa sunt incolis. Sive igitur antiquitatem sive hominum consideremus frequentiam, procul dubio regnum Israëlitarum inter cetera locum haud ultimum sibi vindicat. Floruit autem illud omnium maxime, Regibus DAVIDE & SALOMONE, sub quorum auspiciis non solum multæ vicinarum provinciarum superatae, verum etiam commercia admodum fuerunt promota. Numerus etiam hominum, Palæstinam tunc incolentium, magnus adeo fuit, ut si dem superaret, nisi fide dignissima & exceptione omni majora haberemus testimonia. Nam ex i Chron. XXI: 5. adfatum constat, quod numerus eorum, qui per regnum Israëlitarum armis ferendis pares erant, fuerit 1500000, adeoque si ex computatione, Politicis familiari, adsumamus, numerum horum esse ad reliquum populum, ut I ad 4 circiter, universa Israëlitarum natio, nondum tam computatis tribubus Benjamin & Juda, fuit sex miliones; his vero adjectis, impleverat octo millions fere. Quiem tamen numerum, utcunque vastum, vero tamen minorem potius, quam majorem fuisse, perquam verisimile

mile est. Quæri nunc potest, an felicitas populi Israëli-  
tici civilis eximia quoque his temporibus fuerit? Ad  
quam quæstionem distincte est respondendum. DAVIDE  
ad gubernacula imperii sedente, lauta fuit civium condi-  
tio. Licet enim continua fere bella cum Philistæis,  
Moabitæ, aliisque gesserint, atque imperium internis, eis-  
demque gravissimis motibus interdum agitatum fuerit; ex  
his tamen malis non sua multitudine, sed favente Summo  
Numine, superiores semper evaserunt Israëlitæ. A DAVIDE  
ad SALOMONEM, Regum Sophorumque Phœnicem,  
transitum facientes deprehendimus, quod eadem homi-  
num multitudo intra breve spatium & floruerit & vitam  
per extrema quævis traxerit. Nimirum cum circa impe-  
rii initia Rex hic prudenter ac juste regnum suum admi-  
nistrevit, læta admodum halcyonia agebant Israëlitæ; at  
ubi opulentia luxum introduxerat, ipsa copia ad tristem  
redacti fuerunt inopiam. Notum enim est, quod SALO-  
MON non uxores modo, sed greges feminarum in ma-  
trimonium duxerit, mensas suas amplissimas opiparis ei-  
pulis non tam ornaverit, quam quotidie oneraverit, &  
numerolissimas denique copias sustentaverit; quibus o-  
mnibus cum ordinarii nequaquam sufficerent reditus, no-  
vis continuo tributis populum vexavit, &c., quem servare  
debuisset, temere oppressit. Tristem in quam ita redacti  
fuerunt Israëlitæ conditionem satis colligere possumus ex  
supplicibus precibus, quibus REHABEAMUM, filium SA-  
LOMONIS, ad misericordiam & molestiarum levamentum  
permovere ante studuerunt, quam horagium ipsi præsta-  
rent. Ita enim ferocem hunc Principem alloquebantur:  
*Pater tuus jugum nimis durum nobis imposuit; minuas Tu illius gravitatem, nec fidem nostram & obsequium desiderabis.* 1 Reg. XII: 4. 2 Chron. X: 4. Profecto querulæ ejus-  
modi voces non indicant gentem, cui ex votis cuncta  
succedunt. Dicat forte quispiam, vulgi animum semper  
esse

esse mutabilem, suaque sorte raro contentum, adeoque  
fieri potuisse, ut Israëlitæ, quæ ipsorum fuit levitas, præ-  
ter sonicas causas ægre tulerint imperium SALOMONIS.  
Enimvero facilius ista venditantur, quam probantur. Præ-  
ter acerbas enim populi exactiones, quarum nuper men-  
tionem fecimus, magnam quoq; ejus partem gravissimis ope-  
ribus conficiendis distinuit; quibus non pauci præter ne-  
cessitatem absunti, & reliquorum pectora admodum ex-  
asperata fuerunt. Quare etiam cum REHABEAMUS eo-  
rum animositatem non mitigaret, sed arroganter exasper-  
aret, factum est, ut decem tribus ab eo confessim defi-  
cerent & novum sibi eligerent Regem. Ex quibus lucu-  
lenter colligere possumus, ringentibus licet multis, solam  
civium multitudinem non esse fundamentum felicitatis  
civilis, sed hanc ex indole civium, quibus Supremum  
Numen benedictionem suam, tanquam præmia virtutis,  
jugiter cultæ, largiatur, præcipue æstimandam esse.

## §. VII.

**S**i aliarum quoque gentium fata probe expendamus, lu-  
culenter patebit, quod vera felicitas civilis ex multi-  
tudine incolarum non admodum dependeat. Compare-  
mus igitur inter se Persas Græcosque, illis præterim  
temporibus, quibus MILTIADES, THEMISTOCLES, A-  
RISTIDES, ceterique vixerunt Heroës, quam ætatem flo-  
rem atque juventam Græciæ haud immerito dicimus.  
Luxuriabat tunc Persia & opibus & incolis, quorum in-  
tuitu vix manipulum sustentabat Græcia. Hæc tamen &  
justa gavisa fuit libertate, & de eximia tranquillitate sibi  
gratulari potuit; quas fortunæ dotes penitus ignorarunt  
Persæ. Ingentes quidem erant Regum Persarum thesa-  
ri & splendidi militum apparatus, sed qui speciem feli-  
citatis tantum habebant. Græcis autem, qui commodio-  
ris vitæ pauca desiderarunt adminicula, firma erant cor-  
pora & erecti animi. Quare etiam præstantissimi Au-  
tores

tores & hortum felicitatem ex fedula virtutum cultura, & illorum perniciem ex probitatis neglectu, quæ inter calorum & lixarum curas emarcuit, derivare non dubitant. Ita enim elegantissimus ROLLINUS: «*quois les Grecs furent-ils redébables de succès si étonnans & si fort au dessus de toute vraisemblance, si non aux principes, dont j'ai parlé, gravés profondément dans leur esprit par l'éducation, par les exemples, par la pratique, & devenus en eux par une longe habitude, comme une seconde nature?* Ces principes, on ne peut trop répéter, étoient l'estime de la pauvreté, le mépris des richesses, l'oubli de ses propres intérêts, l'attachement au bien public, le désir de la gloire, l'amour de la Patrie, mais sur tout un zèle pour la liberté, quo nul péril n'éroit capable d'intimider & une haine irreconciliable contre quiconque songeoir à y donner le moindre atteinte, qui réunissoit tous les esprits & faisoit cesser dans le moment toute dissension & toute discorde (a). Crevit quidem post hanc epocham magis magisq; Græcorum numerus, promotæ etiam fuerunt & artes manuariae & opes illorum, sed cum vitia simul inleverunt, libertas & tranquillitas ipsorum decreverunt, nec pristinam Græci recuperare potuerunt gloriam.

(a) Vid. *Histoire grecque Tom. IX. p. m. 800.*

### §. VIII.

**C**ertius autem nullum est argumentum, quo evinci potest, felicitatem reipublicæ non ex quantitate, sed ex qualitate civium dependere, quam quod eadem civitas parem omnino habuerit incolarum numerum, & cum floruit & cum, ætate velut proœcta, a potentia culmine defecit. Consideremus ictummodo Athenas, quæ civitas populis æque potens fuit, & cum imperium Græciæ tenebat, & cum in servitutem erat redacta. Ex Platone (a) enim & Plutareho (b) constat, quod viginti millia civium sustentaverit, cum res maxima-

ximas gessit, ingentes Persarum exercitus prostravit, de summa imperii cum Lacedæmoniis contendit, & denique Siciliam in suam redigere potestatem fuit conata. Longo deinde post tempore, cum DEMETRIUS PHALEREUS numerum Atheniensium instituit, invenit virginati & unum mille civium, decem advenarum millia atq; quadringenta millia servorum (c). Qui numerus nequidquam diminutus fuit, cum PHILIPPUS, Macedonum Rex, vi & calliditate totam subjugaret Græciam, & ad Athenarum portas fulminaret. At quam dissimilis majoribus suis tunc fuit hic populus? Scilicet ex DEMOSTHENE constat, quod Orator hic maximam adhibuerit industriam, ut cives suos, qui utraque dormitabant aure, ad imminens extingendum incendium excitarer, & quod ex sapore hoc tandem expergefacti, PHILIPPUM metuerint, non tam ut libertatis suæ oppressorem, quam potius, ut voluptatum, quibus submersi erant, molestum turbatorem (d). Lacertos quidem adhuc moverunt Athenienses, sed moliminibus his exitium suum non impediverunt, verum accelerarunt. Graphice, ut solet, quæ dicenda essent, persequitur acutissimus MONTESQUIEU: *Cette ville (Athènes) qui avait résisté à tant de défaites, qu'on avait vu renaitre après ses destructions, fut vaincue à Chéronée, & le fut pour toujours. Qu'importe que PHILIPPE renvoie tous les prisonniers? Il ne renvoie pas des hommes. Il étoit toujours aussi aisné de triompher des forces d'Athènes, qu'il étoit difficile de triompher de sa vertu (e).* Talis erat rerum externarum facies, nec melior internarum fuit conditio. Nam qui ceteros ad meliorem reducerent frugem, discordiarum semina ubique spargebant, & in turbido piscari sollicite quarebant.

(a) In Crisie. (b) In Vita PERICLIS. (c) Vid. ATHENÆI Deipn. Libr. VI. p. m. 136. (d) Quantum a Majorum defecerant vir-

virtute Athenienses hoc tempore, vel inde luculenter patet, quod legem ferendam curaverint, qua capite plebieretur quisquis in medium consulere auderet, ut pecuniam, Comœdiis aliisque ludicris rebus destinatam, ad bellorum apparatus adhiberent. Adeo Marathonios & Salaminios obliti erant triumphos; ita voluptates libertati atque ignave otium vero felicitati p̄ferebant. (e) Confr. *L'effrit des Loix* Tom. I. p. m. 40. & 41.

## §. IX.

**S**ive jam sententiam Romanorum de arduo, quod hic tractamus, argumento consulamus, sive quid de ipsorum imperio fata constituerunt, expendamus, satis superque deprehendimus, quod veram reipublicæ felicitatem nec ex amplitudine terrarum, ipsis subjectarum, nec, qui hinc plerumque dependet, ex numero ci-vium præcipue æstimaverint, neve quod maxime flouerit Roma, dum incolis luxuriavit. Circa ipsa enim imperii auspicia, cum NUMA Pompilius videret, cives suos in regno prorogando admodum esse feroce-s, simulque metueret, ne ab affectu hoc in diversa quævis, patriæ noxia, abriperentur, tanto impetui firmissimum posuit obicem, metum Numinis. Inter cetera enim, quæ commentus est, sacra Terminum quoque, ceu Numen quoddam, instituit, cui caput ejus sacrum fancivit, qui limites imperii transferre aut tollere auderet (a). Ipsi quippe persvasum erat, felicitatem civitatis non considerare in vasta imperii magnitudine; præsertim cum regna, justis etiam ex caussis aucta, ceteris sint invisa, sed in bonis civium moribus & tranquillitate. Nihilo tamen minus potentia Romanorum sequentibus temporibus adeo fuit amplificata, ut locum, quo terminum suum constitueret Mavortia hæcce proles, inventerit fere nullum: fatendum tamen est, felicitatem publicam cursum victiarum æquis passibus non fuisse secutam. Teste hujus opinionis habemus gravissimum SCIPIONEM A-

fricas.

fricam, qui magnam molem oneri potius, quam usui esse existimans, DEOS immortales potius orandos esse duxit, ut populi Romani res perpetuo conservarent incolumes, quam ut meliores easdem amplioresque facerent; ideoque publicis tabulis solemne precationis carmen ad hunc modum emendari jussit. Ita omnino censuerunt prudentiores, & quod non erraverint, adfatum docet Historia. Si enim imperium Romanum ad instar hominis nobis proponamus, adeoque infantiam ejus, adolescentiam, juventutem atque senectutem distinguamus; facile constabit, quod felicissimus non fuerit ejus status, cum densissima hominum agmina sustentavit. Sub SERVIO TULLIO enim, Sexto Rege, censa sunt octoginta millia civium (b). Sub Consulibus vero sensim increvit hic numerus, ut in tabulas Censorum nongenta millia fuerint relata. Sub AUGUSTO ita multiplicati fuerunt Romani, ut Censores quatuor circiter milliones civium invenerint, qui sub CLAUDIO imperatore parum aberant a septem millionibus (c). Enimvero nisi præter & contra Historiam sapere velimus, concedendum erit, florentissimam fuisse hanc rempublicam sub Consulibus, & quidem ab APPIO CLAUDIO, usque ad Triumviro constitutos, quamvis mediocres omnino hoc intervallo fuerint vires Romanorum, nec dimidiam eorum partem, qui sub CLAUDIO vixerunt, consercent. Tunc enim & interna tranquillitate & felicitate ipsi fruebantur, & toti ferme orbi, ad hujus stuporem, tam eximia concesserunt munera; plane ut vicis. se alias nationes viderentur; quo libertatem, ipsis erectam, liberaliter restituerent. Hoc autem totum, quod certe maximum est, non suis phalangibus, quibus numerosiores in aciem saepe produxerunt alias gentes, sed, post providam Summi Numinis curam, egregiis virtutibus acceptum referebant. *Nolite, inquit SALLUSTI.*

C 2

Us,

*Us, existimare Majores nostros armis rempublicam ex parva magnam fecisse.* — *Alia fuere, quæ nobis magnos fecere, quæ nobis nulla sunt: domi industria, foris iustum imperium, animus in consulendo liber, neque delicto neque libidini obnoxius.* Et alio in loco adserit; *Ac mibi multa agitanti constabat, paucorum civium egregiam virtutem omnia patravisse (d).* At proxime ante mutatum imperium & sub imperatoribus omnia in pejus ruere cœperunt. Nam libertatem & amiserant & amplius pati non poterant. Securitas ipsorum, quæ non a legibus, sed a Principum pendebat arbitrio, temporaria admodum fuit; cum multi horum imperium, inique partum, inique & crudeliter administraverint. Opes denique eorum, ex toto pæne orbe congestæ, parum adeo ipsis profuerunt, ut potius invitamenta fuerint, quibus ferocissimæ nationes ad civitatis hujus oppressionem alliciebantur. Harum incursionibus nullas remoras fecit numerus. Paria quidem, forte etiam nitiidiora, quam majores, habebant corpora, sed impares prorsus gerebant animos, nullis virtutibus excultos, sed omni vitiorum genere usque adeo emollitos, ut sub CLAUDIO Imperatore ad solum armorum conspectum exhorrescerent (e).

(a) Vid. DIONYSI Libr. II. Cap. 76. (b) Confr. LIVI Hist. Libr. I. Cap. 44. (c) Vid. LIPSIUS de Magnitudine Romana Libr. I. Cap. 7. p. m. 387. (d) In bello Catilin. (e) Vid. de MONTESQUIEU Considerations sur la Grandeur Sc. p. m. 130. 131.

Si ab antiquissimis temporibus ad ea, quæ nobis propria sunt, jam progrediamur, horum etiam annales sententiam nostram luculenter confirmant, quod, brevitati litantes, exemplis tantum quibusdam ex historia Galiae & Angliae de promis ostendere conabimur. Inde igitur ab ævo Regis Galliæ, CAROLI IX, in isthoc usq; tem-

pus viginti circiter milliones hominum, simul viventium, sustentavit hoc imperium, ac proinde æque numerosum per Europam aliud nullum invenimus. Nulla igitur Nation, urgente necessitatis telo, magnas adeo copias in aciem producere solet, ac Gallica; quod vero amplissimis ejus apparatibus optatus non semper responderit successus, neminem fugere potest. Scilicet tantis exercitibus Batavos superiori sæculo adgressus est LUDOVICUS XIV, quantæ necessariæ videbantur, non ad subigendum, sed uno actu opprimendum hunc populum; verum adeo infeliciter res suas gessit, ut regnum pæne exhauserit, & pacem, quam aliis offerre solebat, care satis redimere coactus fuerit. Nec densissimis phalangibus, quibus Germaniam nostra in primis ætate inundarunt Galli, lauta militiæ stipendia sunt consecuti, sed fortunam a se aversam ubi vis fere experti fuerunt. Caussam quorundam horum malorum graphicè omnino exposuit Maximus Héros & Philosophus (a), qui auctoritate sua sententiæ nostræ plurimum lucis & roboris addit. Valeant autem castra & intra ipsam nos recipiamus Galliam, ut felicitatem incolarum cognoscamus. Quam gravia & facultatibus superiora tributa civibus imponantur, gravissimæ in primis orationes, quibus Parliamentorum Praesides Regum animos ad misericordiam, saepè licet incassum, commovere sunt anni, satis indicant, quorum asperitatem, immane quantum auget Quæstorum nonnullorum avaritia, qui Tantalorum more, in divitiarum aduentia minime sitire dicuntur. Infidam quoque hic securitatem experti sunt HUGGONOTTI, quorum præclaræ in Reges & Patriam merita impedire non potuerunt, quominus ducenta eorum millia, revocato Edicto Nantenensi, dulcissimos relinquere penates atque in exteris regionibus asylum sibi querere cogerentur. Atque horum expulsionem, ceu gravissimam cladem, quam

unquam passa fuit Gallia, nobis proponunt Auctores. Quod sicut verissimum esse arbitramur; ita rursus patet, quod felicitas civitatis sola civium multitudine non constituantur. Cum enim expulsi vix centesimam totius Nationis partem conficerent, defectus hic haud ita operose suppleri potuit; supererat tamen adhuc negotium gravissimum, eundem seil. vigorem & pares virtutes novorum advenarum animis instillare, ut civitas amissum recuperaret florem. Si hinc in vicinam Britanniam nos conferamus, multo quidem minorem hominum multitudinem hic reperimus, quippe quæ ex præstantissimorum Politicorum calculo, octo millions solummodo complet; attamen longe major hic cernitur felicitas, sive sagatos sive togatos consideremus Anglos. Quis enim nescit, quanto ardore aut quam prudenti enthusiasmo in gravissimis bellis, in quibus tam superiori, quam nostro sæculo præcipuas fere sustinuerunt partes, sese gesserint, aut quod ex his, opibus & regionibus auctiores plerunque excesserint, quamvis contra hostes longe numerosiores dimicaverint? Causam tanti successus non aliunde, quam ab erecta indole hujus Nationis repetimus, qua sit, ut nihil tam carum habeant Britanni, quod Patriæ suæ saluti impendere dubitarent. Idem porro artibus manuariis, nec non egregiis aliis institutis, ex quibus amplissimos redditus facere solent mortales, & vendis & promovendis abunde sufficiunt, adeoque maximam hic deprehendimus opulentiam. Libertate deinde & tranquillitate eximia, quæ inter dissensiones satis vehementes non minuuntur, sed indies confirmantur, adfatum gaudent. Quod cum ita sit, dilucide rursus patet, quod diversa omnino sit ratio felicitatis civilis atq; multitudinis incolarum, & proinde quod illa ab hac non tota dependeat.

(a) Vid. *Mémoires pour servir à l' Histoire de Brandebourg Part. II. p. m. 22.*